

ქალაქ ბათუმის მუნიციპალიტეტის საკრებულოს  
გ ა ნ კ ა რ გ უ ლ ე ბ ა №

ქ. ბათუმი

„-----“ ----- 2026 წელი

ქალაქ ბათუმის მუნიციპალიტეტის საკუთრებაში არსებული უძრავი ქონების განკარგვასთან დაკავშირებით ქალაქ ბათუმის მუნიციპალიტეტის მერისათვის თანხმობის მიცემის შესახებ

საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის მე-2 პუნქტისა და 122-ე მუხლის შესაბამისად, ქალაქ ბათუმის მუნიციპალიტეტის საკრებულომ გადაწყვიტა:

1. ქალაქ ბათუმის მუნიციპალიტეტის მერს მიეცეს თანხმობა, ქალაქ ბათუმის მუნიციპალიტეტის საკუთრებაში არსებული, ქალაქ ბათუმში, 26 მაისის ქუჩა №106-ში მდებარე 261 კვ.მ. არასასოფლო-სამეურნეო დანიშნულების მიწის ნაკვეთის და მასზე მდებარე 118.68 კვ.მ. შენობა-ნაგებობის (მიწის (უძრავი ქონების) საკადასტრო კოდი 05.28.41.008) უზრუნველყოფის უფლებით, ა(ა)იპ „ბათუმის განათლების, განვითარებისა და დასაქმების ცენტრი“-სთვის (ს/№245609630) 10 წლის ვადით, სარგებლობის უფლებით გადაცემის თაობაზე.

2. წინამდებარე განკარგულების პირველი პუნქტით გათვალისწინებული ქონების წლიური საზღაური განისაზღვროს სიმბოლურად - 300 ლარის ოდენობით.

3. დაევალოს ქალაქ ბათუმის მუნიციპალიტეტის მერს ამ განკარგულების შესრულების მიზნით უზრუნველყოს კანონმდებლობით გათვალისწინებული ორგანიზაციულ-სამართლებრივი ღონისძიებების განხორციელება.

4. განკარგულება შეიძლება გასაჩივრდეს ბათუმის საქალაქო სასამართლოში (მის: ქალაქი ბათუმი, ზუბალაშვილის ქუჩა №30) მისი კანონმდებლობით დადგენილი წესით გაცნობიდან ერთი თვის ვადაში;

5. განკარგულება ძალაშია ხელმოწერისთანავე.

ქალაქ ბათუმის მუნიციპალიტეტის  
საკრებულოს თავმჯდომარე

ივანე მაისურაძე

**გ ა ნ მ ა რ ტ ე ბ ი თ ი ბ ა რ ა თ ი**  
**პროექტის სახელწოდება და სათაური**

**ქალაქ ბათუმის მუნიციპალიტეტის საკუთრებაში არსებული უძრავი ქონების განკარგვასთან დაკავშირებით ქალაქ ბათუმის მუნიციპალიტეტის მერისათვის თანხმობის მიცემის შესახებ ქალაქ ბათუმის მუნიციპალიტეტის საკრებულოს განკარგულების პროექტი**

**ა) ზოგადი ინფორმაცია პროექტის შესახებ**

**ა.ა) პროექტის მიღების მიზეზი და მიზანი:**

ქალაქ ბათუმის მუნიციპალიტეტსა და ა(ა)იპ „ფონდი ბათუმის განათლების, განვითარებისა და დასაქმების ცენტრს“ შორის 2019 წლის 11 თებერვალს დადებული ხელშეკრულებით სარგებლობაში, სიმბოლურ ფასად (100 ლრ.), 7 წლის ვადით (02.11.2026წ-მდე) გადაეცა ქალაქ ბათუმის მუნიციპალიტეტის საკუთრებაში არსებული, ქ. ბათუმში, 26 მაისის ქ. N106-ში მდებარე 261,0 კვ.მ. არასასოფლო-სამეურნეო დანიშნულების მიწის ნაკვეთი და მასზე განთავსებული 118,68 კვ.მ. შენობა-ნაგებობა (საკადასტრო კოდი: 05.28.41.008). მიმდინარე, 2026 წლის 30 იანვარს მომართა მერიას „განათლების განვითარებისა და დასაქმების ცენტრმა“ და ითხოვა უზუფრუქტის ხელშეკრულების გაგრძელება. აღნიშნულ საკითზე ასევე შემოსულია ოკუპირებულ ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს შუამდგომლობა. აღნიშნულიდან გამომდინარე მიზანშეწონილია ხსენებული ქონება ა(ა)იპ „ფონდი ბათუმის განათლების, განვითარებისა და დასაქმების ცენტრს“ გადაეცეს 10 წლის ვადით, ხოლო სარგებლობის წლიური საზღაური განისაზღვროს სიმბოლურად 300 ლარის ოდენობით.

**ა.ბ) პროექტის არსი:** ქალაქ ბათუმის მუნიციპალიტეტის საკუთრებაში არსებული, სარგებლობის უფლებით, აუქციონის წესით განსაკარგი ქონების საწყისი წლიური სარგებლობის საფასურის განსაზღვრა.

**ბ) პროექტის ფინანსური დასაბუთება**

**ბ.ა) პროექტის მიღებასთან დაკავშირებით აუცილებელი ხარჯების დაფინანსების წყარო:**

პროექტის განხორციელება არ მოითხოვს დამატებით ფინანსურ ხარჯებს.

**ბ.ბ) პროექტის გავლენა ბიუჯეტის საშემოსავლო და ხარჯვით ნაწილზე:**

პროექტის განხორციელება დადებითად აისახება ბიუჯეტის საშემოსავლო ნაწილზე მითითებული ქონების სარგებლობის ფორმით გადაცემის შემთხვევაში, ქალაქ ბათუმის მუნიციპალიტეტის ბიუჯეტში შეტანილი იქნება მითითებული ოდენობის საზრაური.

**გ) პროექტის შესაბამისობა უპირატესი იურიდიული ძალის მქონე ნორმატიულ აქტებთან:**

საქართველოს ორგანული კანონი „ადგილობრივი თვითმმართველობის კოდექსი“;

**დ) პროექტის მომზადების პროცესში მიღებული კონსულტაციები:**

ქ. ბათუმის მუნიციპალიტეტის მერიის ადმინისტრაცია.

**ე) პროექტის ავტორი:**

ქ. ბათუმის მუნიციპალიტეტის მერიის მუნიციპალური ქონების მართვის სამსახური.

**ვ) პროექტის ინიციატორი:**

ქ. ბათუმის მუნიციპალიტეტის მერია.

ზ) განმარტებითი ბარათის მომზადებაზე უფლებამოსილი პირის თანამდებობა, სახელი, გვარი და ხელმოწერა:

ქ. ბათუმის მუნიციპალიტეტის  
მერიის მუნიციპალური ქონების  
მართვის სამსახურის უფროსი

დავით კობინაძე